

# Txoj Kev Zam Ua Qauv Qhia ntawm Medicaid 1115 (1115 Medicaid Demonstration Waiver) Hauv Xeev Oregon Xyoo 2022-2027: Txoj Hauv Kev rau Kev Muaj Vaj Huam Sib Luag Rau Fab Kev Noj Qab Haus Huv

Xeev Oregon muaj ib lub hwm tsam los siv nws txoj kev tso npe thov qhov Txoj Kev Zam Ua Qauv Qhia ntawm Medicaid 1115 (1115 Medicaid Demonstration Waive) Xyoo 2022-2027 uas yuav los txog tom ntej nod raws li yog ib txoj hauv kev los tsim kom muaj vaj huam sib luag ntau ntxiv rau hauv txoj kev saib xyuas kho mob. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau txais tswv yim pab los ntawm txhua fab ces kaum thoob plaws ntawm lub xeev – los ntawm cov neeg uas nyob rau cov txoj hauj lwm muaj hwj cim mus rau cov neeg uas twb yeej keev raug cais pab cais pawg los ntawm txoj kev ntxub ntxaug yam muaj chaw txawb chaw rau thiab txoj kev tsis txom – thov kom Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) siv daim ntawv tso npe thov kev zam no los txhawb kom muaj vaj huam sib luag tau rau qhov hauv kev saib xyuas kho mob rau fab kev noj qab haus huv. Xws li, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tab tom muab lus thov txog plaub tsab cai tseem ceeb hauv cov cheeb tsam uas yog cov chaw peb ntseeg tias peb tuaj yeem tsim cov hauv kev tshiab ntawm lub hwj chim thiab kev noj qab haus huv, thiab tig qhov txiaj ntsim ntawm kev noj qab haus huv uas tsis muaj vaj huam sib luag kom zoo tuaj. Pev cov kev khwv yees thiab cov lus thov tsab cai uas muab los ntawm lawv yog muaj nyob rau hauv plaub tsab cai ntawm cov ntaub ntawv tswv yim.

Lub hom phiaj tseeb ceeb ntawm txoj kev zam yog los nce txoj kev muaj vaj huam sib luag rau fab kev noj qab haus huv kom siab dua qub raws li:

Xyuas kom paub tseeb seb puas nkag cuag tau rau txoj kev duav roos rau txhua tus cov pej xeem hauv Xeev Oregon



Tsim ib txoj hauv kev ntawm kev noj qab haus huv uas saib raws lub vaj huam sib luag



Txhawb siab rau txoj kev siv nyiaj yam ntse ntsuav, thiab yam hloov yoog raws tau yooj yim



Rhuav kho tshiab rau tsoom fwv txoj kev txuag nyiaj tseg thoob plaws cov hauv kev



Yog tsis muaj **kev nkag cuag tau rau txoj kev pab them nqi duav roos rau yam ncaj nruab nrab**, cov pej xeem yuav tsis tuaj yeem ua lub neej nyob tau yam muaj zog zis los sis nkag cuag tau rau lawv cov kev xav tau– qhov tseeb no ua rau nkag siab meej ntxaws los ntawm cov kev tau ntsib nyob rau lub sijhawm muaj Tus Kab Mob Khaus Viv-19 (COVID-19). Peb paub tias cov zej zos ntawm cov neeg uas muaj tsos tawv nqaij sib txawv thiab keeb kwm kev raug tsim txom haj yam muaj cov kev ntaus nqi ntawm kev tsis muab is saws tuav pov hwm siab dua. Peb txoj kev tso npe thov kev zam yuav nriav hauv kev los tig txoj kev nkag cuag tau rau yam tsis muaj vaj huam sib luag kom zoo tuaj nrog rau cov qauv ntaus tswv yim los ncuat txoj kev pab them nqi duav roos kom ntau tuaj rau cov me nyuam thiab cov laus hauv Xeev Oregon uas peb tuaj yeem roos rau, thiab ua kom ruaj khov rau txoj kev pab them nqi duav roos rau cov tswv cuab. [Nyeem ntau ntxiv](#)

Tab txawm thaum cov pej xeeb yeej muaj txoj kev pab them nqi duav roos rau lawm los, lawv txoj kev tau ntsib ntawm txoj hauv kev saib xyuas kho mob rau fab kev noj qab haus huv yeej sib txawv deb heev raws li lawv haiv neeg, poj niam txiv neej, kev cim thawj txog tus kheej tias yog poj niam txiv neej, txoj kev taw qhia kom paub txog tias yog poj niam txiv neej, thiab txhua lwm cov txuam thawj fab zej tsoom uas tsim rau pom tias lawv yog leej twg. Raws txoj kev tsom ntsees rau peb li kev tshwj xeeb rau cov tsab cai uas hloov qhov tseeb no thiab xyuas kom mee tias seb peb txoj hauv kev saib xyuas kho mob rau fab kev noj qab haus huv puas muab tau txoj kev tau ntsib uas saib raws lub vaj huam sib luag thiab tib neeg rau txhua tus neeg, peb tuaj yeem pib los tsim ib **txoj hauv kev ntawm kev noj qab haus huv uas saib raws lub vaj huam sib luag**. Qhov no tseeb kom muaj txoj kev dhia hauj lwm thiab kev koom tes nrog cov hauv kev sab nraud ntawm txoj kev saib xyuas kho mob. [Nyeem ntau ntxiv](#)

Peb li hauv kev tuaj yeem ua ntau ntxiv txhawm rau los txhawb siab rau peb cov khub koom lag luam kom los nqis peev rau hauv cov tswv yim raws cheeb tsam zej zos txhawm rau daws cov kev txiav txim siab txog kev noj qab haus huv fab sim neej uas lis txoj kev noj qab haus huv ntawd tau yam tsis muaj vaj huam sib luag. Peb npaj siab los txhawb **txoj kev hloov yoog raws tau yooj yim rau hauv txoj kev siv nyiaj** ntawm cov kws tsav xwm kev noj qab haus huv kom sai tshaj qhov teev tseg nyob rau thaum tsim cov kev cia siab npaj tseg tias txoj kev siv yuav tsum tsim cov kev txhim kho rau cov neeg koom li kev noj qab haus huv kom muaj ntsiab tseem ceeb. Qhov no kuj tseem yuav muaj xam nrog rau txoj kev rov faib cais cov nyiaj pab thiab lub hwj chim los tsim kev txiav txim siab ib ncig ntawm cov kev nqis peev ntawm lub zej zos mus rau lub zej zos ntawd tus kheej.

[Nyeem ntau ntxiv](#)

Xeev Oregon tau tsim cov kev txuag nyiaj tseg tau ntau heev los ntawm nws lub tswv yim ua hauj lwm rau Medicaid yog muab piv rau cov tswv yim ntawm lwm lub xeev. Peb cov qauv ntawm Lub Koom Haum Saib Xyuas Kho Mob Yam Sib Koom Dhia Hauj Lwm (Coordinated Care Organization, CCO) yog lub tswv yim tsim tshiab thiab txuag peev tau zoo heev. Zoo dua qhov cia cov nyiaj txuag tseg ntawd tsub ntau zuj zus rau tsoom fww teb chaws thiab tsoom fww xeev, peb npaj siab los thov kom **rov muab cov nyiaj txuag tseg ntawm tsoom fww ntawd los nqis peev rau cov zej zos** txhawm rau daws cov teeb meem uas loj dua, thiab thoob plaws lub xeev uas tsis muaj ib lub zos twm zeej twg yuav tuaj yeem los daws tau ntawm nws tus kheej. Nrog rau txoj kev tsom ntsees rau lub vaj huam sib luag, peb ntseeg tias peb yuav tuaj yeem siv cov nyiaj pab no los daws cov teeb meem kuam ntawd tau ntau dua qub heev rau txoj kev noj qab haus huv thiab kev muaj vaj huam sib luag rau fab kev noj qab haus huv. [Nyeem ntau ntxiv](#)

## Kev Muab Lus Xam Pom

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau yuav cov tswv yim ntawm tsab cai no raws li kev muab lus xav pom ntawm zej tsoom sawv daws yam nthuav dav nyob rau ntau xyoo dhau los. Peb cia siab rau cov neeg muaj feem xyuam thiab zej tsoom sawv daws los qhia kom paub txog cov tsab cai uas peb tau muab qhia los kom txhim kho peb cov hauv kev Medicaid ntawm lub xeev mus txuas ntxiv nyob rau hauv raws cov kev txhim kho kev noj qab haus huv thiab lub neeg txoj sia ntawm cov pej xeeb hauv Xeev Oregon. Peb zoo siab txais tos txhua cov kev muab lus xam pom rau cov tswv yim ntawm tsab cai uas tau teev los saum toj no thiab nyob rau hauv cov ntaub ntawv tswv yim. Koj tuaj yeem tiv tauj rau peb nrog rau muab cov lus xam pom tau txhua lub sijhawm raws kev xa email rau [1115WaiverRenewal@dhsosha.state.or.us](mailto:1115WaiverRenewal@dhsosha.state.or.us) los sis raws txoj kev tuaj koom lub rooj sib tham nrog peb xeeb txhawm rau muab cov lus tawm tswv yim. Daim phiaj qhia caij nyoog ntawm cov rooj sib tham nrog peb xeeb yog muaj nyob rau hauv peb nplooj vas sab (webpage) [Oregon.gov/1115WaiverRenewal](https://Oregon.gov/1115WaiverRenewal).

Koj tuaj yeem tau txais daim ntawv no sau ua lwm yam lus, ua ntawv loj, cov ntawv su rau neeg dig muag xuas thiab lwm hom uas koj nyiam siv. Tiv tauj rau qhov Txheej Txheem Pab Cuam Nthuav Qhia Rau Tus Neeg Koom Tes Hauv Lub Zej Zos (Community Partner Outreach Program) ntawm [community.outreach@dhs.ohio.gov](mailto:community.outreach@dhs.ohio.gov) los sis raws kev hu rau tus xov tooj 1-833-647-3678. Peb txais txhua tsab xov tooj hu tuaj ntawm cov neeg tsis hnov lus zoo los sis koj tuaj yeem ntaus hu rau 711.